

ՀԱՅԱՍՏԱՆՈՒՄ ՖՐԱՆՄԻԱԿԱՆ ՀԱՄԱԼՍԱՐԱՆ ԴԻՍՏՐԻԻ ՈՒՂԵՑՈՒՅՑ 2025





Տիրելի՛ դիմորդ,

Դիմելով Հայաստանում ֆրանսիական համալսարան (ՅՖՀՀ)՝ Դուք ընտրում եք գերազանց կրթություն: ՅՖՀՀ-ում Դուք կկառուցեք Ձեր մասնագիտական կարիերան հետազոտող դասախոսների և ձեռնարկությունների ոլորտի փորձառու ներկայացուցիչների աջակցությամբ: Նրանք Ձեզ կփոխանցեն վերջին ամենանոր հետազոտությունների վրա հիմնված տեսական և գործնական գիտելիքներ: Առաջարկվող ամառային դպրոցները, բարձր մակարդակի գիտաժողովները, վարպետության դասերը, շարունակական կրթությունը, պրակտիկաները և միջազգային շարժունությունը, ինչպես նաև բազմաթիվ արտահամալսարանական միջոցառումներն էլ ավելի կհարստացնեն Ձեր կրթությունն ու կդարձնեն Ձեզ բազմակողմանի զարգացած ղեկավարներ:

ՅՖՀՀ-ում կսովորեք տիրապետել ինքնուրույնության, բարեվարքության և պատասխանատվության մշակույթին:

Ֆրանսիայի և Հայաստանի կողմից ճանաչվող երկու դիպլոմների շնորհիվ Հայաստանում կամ այլուր ձեռք կբերեք աշխատանքի շուկա մուտք գործելու ամուր հիմք: Դուք կլինեք ֆրանկոֆոն, բազմալեզու, կլինեք Ձեր ոլորտի լավ մասնագետ, կկարողանաք պատասխանատու պաշտոն զբաղեցնել ձեռնարկությունների և վարչական կառույցների բարձր օղակներում, կստեղծեք Ձեր ձեռնարկությունը կամ կընտրեք գիտահետազոտության ուղին:

Մենք Ձեր կողքին կլինենք և կուղեկցենք Ձեզ ուսումնառության ողջ ընթացքում:

Բարի գալուստ Հայաստանում ֆրանսիական համալսարան: 55

Դոկտոր Սալվա Նակուզի
ՅՖՀՀ ռեկտոր

ՏԵՍԼԱԿԱՆ

ԴԱՌՆԱԼ ԿՈՎԿԱՍՈՒՄ ԲԱՐՁՐԱԳՈՒՅՆ
ԿՐԹՈՒԹՅԱՆ ԱՌԱՋԱՏԱՐՆԵՐԻՑ ՄԵԿԸ ԵՎ
ՕՐԻՆԱԿԵԼԻ ՖՐԱՆՍԻԱԿԱՆ ՀԱՄԱԼՍԱՐԱՆ
ԱՐՏԵՐԿՐՈՒՄ:

ԱՌԱՔԵԼՈՒԹՅՈՒՆ

ԿՐԹԵԼ ԴԻՆԱՄԻԿ ԵՎ ՃԿՈՒՆ ԵՐԻՏԱՍԱՐԴՆԵՐԻ՝
ԶԳՈՆ ՀԱՄԱՇԽԱՐՀԱՅԻՆ ՍՈՑԻԱԼԱԿԱՆ
ՄԱՐՏԱՀՐԱՎԵՐՆԵՐԻ ԵՎ ՄՇԱԿՈՒԹԱՅԻՆ
ՏԱՐԲԵՐՈՒԹՅՈՒՆՆԵՐԻ ՆԿԱՏՄԱՄԲ:

ԸՖՀՀ-Ն ԹՎԵՐՈՎ

5

ՖԱԿՈՒՆԵՏ (ինֆորմատիկա
և կիրառական մաթեմատիկա,
իրավագիտություն, կառավարում,
մարքեթինգ, ֆինանսներ)

2

ՊԵՏԱԿԱՆ ԴԻՊԼՈՄ
հայկական և ֆրանսիական
(Եվրոպական), որը ճանաչվում է ողջ
աշխարհում

1%

2022 թվականի շրջանավարտների
ընդամենը 1%-ն է աշխատանք
փնտրում

3200+

ՇՐՋԱՆԱԿԱՐՏ

ԸՆՏՐԵԼ ԸՑԸԸ-Ն

ՀԱՋՈՂՈՒԹՅՈՒՆ ՄԱՍՆԱԳԻՏԱԿԱՆ ԿԱՐԻԵՐԱՅՈՒՄ

- Շրջանավարտների՝ աշխատանքի տեղավորման բարձր ցուցանիշ (2022 թվականի շրջանավարտների 1%-ն է աշխատանք փնտրում)
- Ձեռնարկատիրական հմտությունների զարգացման խթանում Աքսելերատոր 28-ի միջոցով
- Մասնագիտական պրակտիկա առաջատար ձեռնարկություններում և պետական կառույցներում

ԲԱՐՁՐ ՈՐԱԿԻ ՄԻՋԱԶԳԱՅԻՆ ԿՐԹՈՒԹՅՈՒՆ

- ← Ժան Մուլեն Լիոն 3 և Թուլուզ 3 Պոլ Սաբատիե համալսարանների հետ համագործակցություն
- ← Երկու դիպլոմ՝ հայկական և ֆրանսիական/եվրոպական, որ ճանաչվում է ողջ աշխարհում
- ← Օտար լեզուների ուսուցում. ՀՖՀՀ-ում ուսանողները, բացի մասնագիտությունից, սովորում են ֆրանսերեն, անգլերեն, ռուսերեն, ցանկության դեպքում՝ նաև իսպաներեն կամ գերմաներեն
- ← Միջազգային շարժունության ծրագրերի միջոցով արտերկրում ուսանելու հնարավորություն
- ← Արտերկրում պրակտիկա անցնելու հնարավորություն

ՄԻՋՄՇԱԿՈՒԹԱՅԻՆ ՄԹՆՈԼՈՐՏ

- Ֆրանսախոս միջավայր
- Շարունակական շփում օտարերկրացի դասախոսների հետ՝ սկսած բակալավրի 3-րդ կուրսից
- Մասնագիտական պրակտիկա արտերկրում

ՀԱՎԱՍԱՐ ՀՆԱՐԱՎՈՐՈՒԹՅՈՒՆՆԵՐ

- ← Ակադեմիական կրթաթոշակներ և սոցիալական օգնություն
- ← Կրթական աջակցություն ուսանողներին (ամառային հավելյալ դասընթացներ)
- ← «Զինվորական ծառայությունից վերադարձած ուսանողներին դեպի հաջողություն ուղեկցելու» նախագիծ (PREMS)



ԸՆՏՐԵԼ ԿՐԹԱԿԱՆ ԾՐԱԳԻՐԸ

ԿՐԹՈՒԹՅՈՒՆԸ ՅՅՅՅ-ՈՒՄ

ԲԱԿԱԼԱՎՐ

- ԻՆՖՈՐՄԱՏԻԿԱ (ՀԱՄԱԿԱՐԳՉԱՅԻՆ ԳԻՏՈՒԹՅՈՒՆ)
- ԻՐԱՎԱԳԻՏՈՒԹՅՈՒՆ
- ԿԱՌԱՎԱՐՈՒՄ
- ՄԱՐԶԵԹԻՆԳ
- ՖԻՆԱՆՍՆԵՐ

ՄԱԳԻՍՏՐԱՏՈՒՐԱ

- ԻՐԱՎԱԳԻՏՈՒԹՅՈՒՆ
- ՄԱՐԶԵԹԻՆԳ
- ՏԵՂԵԿԱՏՎԱԿԱՆ ՀԱՄԱԿԱՐԳԵՐ՝ ԱՐՅԵՍՏԱԿԱՆ
ԲԱՆԱԿԱՆՈՒԹՅԱՄԲ ՀԱՄԱԿԱՐԳԵՐ
- ՖԻՆԱՆՍՆԵՐ (ՖԻՆԱՆՍՆԵՐ,
ԴՐԱՄԱՇՐՋԱՆԱՌՈՒԹՅՈՒՆ ԵՎ ՎԱՐԿ)

ՖՐԱՆՍԻԱԿԱՆ/ԵՎՐՈՊԱԿԱՆ ԴՈԿՏՈՐԱՆՏՈՒՐԱ

- ՀԱՄԱԿԱՐԳՉԱՅԻՆ ԳԻՏՈՒԹՅՈՒՆ
- ՀԱՆՐԱՅԻՆ ԵՎ ՄԱՍՆԱՎՈՐ ԻՐԱՎՈՒՆՔ
- ՏՆՏԵՍԱԳԻՏՈՒԹՅՈՒՆ

ԻՆՖՈՐՄԱՏԻԿԱ

(ՀԱՄԱԿԱՐԳՉԱՅԻՆ ԳԻՏՈՒԹՅՈՒՆ)



ԱԿԱԴԵՄԻԱԿԱՆ ԳՈՐԾՆՆԿԵՐ՝ ԹՈՒՆՈՒՅ 3 ՊՈԼ ՍԱԲԱՏԻԵ ՀԱՄԱԼՍԱՐԱՆ ՈՒՄՄԱՆ ՏՆԱՂՈՒԹՅՈՒՆԸ՝ 4 ՏԱՐԻ

Նորագույն տեխնոլոգիաների մշակումը և կիրառումը բեկում են մտցրել պետությունների զարգացման մեջ՝ ապահովելով թռիչքային աճ (օրինակ՝ արհեստական բանականությամբ համակարգերը, քվանտային տեխնոլոգիաները, արհեստական արբանյակները, խելախոսները և այլ հայտնագործությունները), դրանք որոշիչ դեր ունեն պետությունների մրցունակության, անվտանգության և կենսամակարդակի բարձրացման գործում: Համակարգչային գիտությունը շատ լայն ոլորտ է. այն ծագել է մասնագիտական մի քանի հիմնարար և կիրառական ոլորտների հանգույցում: ԻԿՄ ֆակուլտետի հիմնական առաքելությունն է ուղեկցել ու առաջնորդել ֆակուլտետի՝ մտքի ու երևակայության անսահմանափակ թռիչք ունեցող ուսանողներին՝ միջազգային ասպարեզում դառնալու մրցունակ ժամանակակից ամենապահանջված մասնագիտական ոլորտում և կառուցելու սեփական մասնագիտական ուղին Հայաստանում: Ինֆորմատիկայի (համակարգչային գիտություն) բակալավրի կրթական ծրագիրը մշակվել է Թուլուզ 3 Պոլ Սաբատիե համալսարանի

հետ համատեղ: Ինֆորմատիկայի բակալավրի կրթական ծրագրի գիտելիքներն ու հմտությունները մշակվել են ABET-ի և Հաշվողական մեքենաների ասոցիացիայի (ACM) համակարգչային գիտությունների ուսումնական պլանի պահանջներին համահունչ: Համակարգչային գիտության դասավանդման մեջ գերակշռում է տեսական գիտելիքների կիրառման մասը, ուստի կարևոր դեր է հատկացվում մասնագիտական նախագծային աշխատանքներին (կրթական ծրագրի մոտ մեկ երրորդը), որոնք ուղեկցվում են արդյունաբերության և գիտահետազոտական թիմերի հետ համագործակցությամբ: Մասնագիտական ինտեգրումը ՀՖՀՀ-ի ուսումնական ծրագրի բաղկացուցիչ մասն է: Ուսումնառության առաջին տարվանից ուսանողները մշակում և մասնակցում են արդյունաբերությանն առնչվող իրական մասնագիտական նախագծերին, որոնց ընթացքում նրանց ղեկավարում են նաև միջազգային վարկանիշ ունեցող ակադեմիական մենթորները: Բակալավրի կրթական ծրագրի ընթացքում ուսանողները իրականացնում են արդյունաբերությանն առնչվող յոթ մասնագիտական նախագծեր: Նախագիծը ելթադրում է ուսանողների կողմից համալսարանում ձեռք բերված

գիտելիքների ինքնուրույն գործնական կիրառում իրական արտադրական կամ գիտատար խնդիրներ լուծելիս՝ տեսանելի մասնագիտական արդյունքներ ստանալու նպատակով: Այն թույլ է տալիս ստուգել մասնագիտական կարողությունները և հմտությունները ուսումնառության ողջ ընթացքում:

Կրթական ծրագիրը ներառում է մի շարք առարկաներ, որոնց դասավանդումը իրականացվում է դասախոսությունների, գործնական պարապմունքների և լաբորատոր աշխատանքների ձևաչափով, ինչը համապատասխանում է Թուլուզ 3 համալսարանի և ՀՖՀՀ-ի կողմից հաստատված ուսումնական պլաններին:

Բակալավրի կրթական ծրագրի դասընթացների մի մասը (օպերացիոն համակարգերի, համակարգչային ճարտարապետության, ֆունկցիոնալ և գուգահեռ ծրագրավորման, տեսապատկերների և ձայնային ազդանշանների մշակման առարկաները և այլն) վարում են Թուլուզ 3 համալսարանի միջազգային հեղինակություն վայելող գիտնական դասախոսները, որոնք ներգրավված են Թուլուզի ինֆորմատիկայի հետազոտական ինստիտուտի (IRIT) գիտահետազոտական աշխատանքներում: Այս ինստիտուտը Եվրոպայում ինֆորմատիկայի երեք ամենամեծ գիտական լաբորատորիաներից մեկն է:

Բակալավրի առաջին երկու տարիներին ուսանողները ձեռք են բերում հենքային գիտելիքներ

տեսական և կիրառական մաթեմատիկայից և համակարգչային գիտությունից:

Առանձնահատուկ ուշադրություն է դարձվում նաև օտար լեզուների՝ ֆրանսերենի և անգլերենի դասավանդմանը: Երկրորդ կուրսից մասնագիտական առարկաների դասավանդումը իրականացվում է անգլերենով, իսկ երրորդից՝ ֆրանսերենով և անգլերենով:

Դասընթացներն անցկացվում են ՀՀ ԳԱԱ Ինֆորմատիկայի և ավտոմատացման պրոբլեմների ինստիտուտի մասնաշենքում տեղակայված ԻԿՄ ֆակուլտետի լսարաններում և համակարգչային լաբերում, իսկ արդյունաբերական մասնագիտական նախագծերն իրականացվում են ՀՖՀՀ-ի արդյունաբերական և ակադեմիական գործընկերների հետ համատեղ: Միջին շաբաթական լսարանային ծանրաբեռնվածությունը կազմում է 24-30 ժամ, սակայն մասնագիտության մեջ կայանալու համար ուսանողներին անհրաժեշտ է նաև օրական 3-4 ժամ հավելյալ ժամանակ տրամադրել անհատական և թիմային առաջադրանքների կատարմանը:

ՈՒՍՈՒՄՆԱԿԱՆ ՊԼԱՆՆԵՐ





ՄԱՍՆԱԳԻՏԱԿԱՆ ԱՇԽԱՏԱՆՔԻ ՅԵՌԱՆԿԱՐՆԵՐ.


- Ծրագրակազմի/ ծրագրային ապահովման մշակման մասնագետ
- Ծրագրավորողների կամ ծրագրային արտադրանքի (պրոդուկտի) թիմի ղեկավար բարձր տեխնոլոգիաների ոլորտում
- Տվյալների հենքերի ադմինիստրատոր
- Համակարգչային ցանցերի ադմինիստրատոր


ԿՐԹՈՒԹՅԱՆ ՇԱՐՈՒՆԱԿՈՒԹՅԱՆ ՀՆԱՐԱՎՈՐՈՒԹՅՈՒՆՆԵՐ.

Ծրագրի շրջանավարտները կարող են իրենց ուսումը շարունակել ՀՖՀՀ-ի, Ֆրանսիայի Թուլուզ 3 և այլ համալսարանների ինֆորմատիկա (համակարգչային գիտություն) մասնագիտության տարբեր մասնագիտացումներով:

ԳՈՐԾՈՒՆԵՈՒԹՅԱՆ ՀԻՄՆԱԿԱՆ ՈԼՈՐՏՆԵՐ.

- Համակարգչային գիտություն
- Ներդրված համակարգեր. խելացի քաղաք
- Արդյունաբերություն 4.0
- Թվային կառավարման համակարգեր ըստ ոլորտների
- Թվային համակարգերի շահագործման հուսալիություն և անվտանգություն






«Ճամակարգչային գիտությունը անսահմանորեն ընդարձակ ոլորտ է, որի հիմքերը համադրվում են մի շարք հիմնարար և կիրառական մասնագիտությունների խաչմերուկում: Մեր ֆակուլտետի առաջնային առաքելությունն է նպաստել և աջակցել այն ուսանողներին, որոնք ունեն մտքի և երևակայության անսահմանափակ թռիչք: Մենք ձգտում ենք օգնել նրանց դառնալու միջազգային մակարդակի մրցունակ մասնագետներ ներկայիս ամենապահանջված ոլորտում և կառուցելու իրենց մասնագիտական ուղին հայրենիքում Հայաստանում: »

ՔՐԻՍՏԻՆԱ ՍԱՐԳՍՅԱՆ, ԴԵԿԱՆ



«Ուրախ եմ, որ հետաքրքրված եք ՀՖՀՀ-ի ինֆորմատիկայի ֆակուլտետով: ՀՖՀՀ-ի ինֆորմատիկայի ֆակուլտետը մեծ տեղ է հատկացնում նախագծերի կառավարմանը, կրթում է ապագա ինժեներների և ինֆորմատիկայի ոլորտի մասնագետների: Ընտրելով ՀՖՀՀ-ն՝ Դուք կընդունվեք նաև Թուլուզ 3 Պոլ Սաբատիե համալսարան և կստանաք այնպիսի կրթություն, որ միավորում է ինֆորմատիկայի ոլորտում հայկական և ֆրանսիական լավագույն փորձառությունը: »

ԱԼԵՆ ԿՐՈՒԶԻԼ, ՀԱՄԱԴԵԿԱՆ





« Ընտրելով ՀՖՀՀ-ն՝ մեկ քայլ ավելի եմ մոտենում իմ երազանքին: Ինֆորմատիկայի ֆակուլտետում ուսանելն ինձ հնարավորություն է տալիս խորապես ուսումնասիրելու ոլորտի նրբությունները և դրան զուգահեռ զարգացնելու լեզվական հմտությունները: Բացի այդ՝ Թուլուզ 3 Պոլիտեխնիկայի համալսարանի հետ համագործակցությունը մեզ հնարավորություն է ընձեռում օգտվելու նաև այդ ոլորտի ֆրանսիական և եվրոպական մեծ փորձից, ինչի շնորհիվ զարգացնում ենք մասնագիտական և անձնական մի շարք հմտություններ՝ թիմային աշխատանք կատարելու ունակություն, վերլուծական մտածողություն և առաջնորդություն, որոնք, անշուշտ, կօգնեն ներկայիս ամենապահանջված մասնագիտական ոլորտում դառնալու միջազգայնորեն մրցունակ մասնագետներ:

Ապագա դիմորդներին խորհուրդ եմ տալիս վայելել ուսանողական կյանքը, անդադար սովորել, ինքնակրթվել և չմոռանալ, որ կրթությունը նպատակին հասնելու լավագույն ճանապարհն է:



**ԻՆՖՈՐՄԱՏԻԿԱՅԻ ԵՎ ԿԻՐԱՌԱԿԱՆ
ՄԱԹԵՄԱՏԻԿԱՅԻ ՖԱԿՈՒԼՏԵՏԻ
3-ՐԴ ԿՈՒՐՍԻ ՈՒՍԱՆՈՂ ՎԱՅԵ ՄԻՐՁՈՅԱՆ**

ԻՐԱՎԱԳԻՏՈՒԹՅՈՒՆ



ԱՎԱՐԵՄԻԱԿԱՆ ԳՈՐԾՆՆԿԵՐ՝ **ԺԱՆ ՄՈՒԼԵՆ ԼԻՈՆ 3 ՀԱՄԱԼՍԱՐԱՆ** ՈՒՄՄԱՆ ՏՆՈՂՈՒԹՅՈՒՆԸ՝ **4 ՏԱՐԻ**

Իրավաբանները կարևոր դեր ունեն հասարակական կյանքի բոլոր ոլորտներում՝ տնտեսական, սոցիալական, մշակութային, կրթական, քաղաքական: Իրավագիտություն սովորելը հնարավորություն է տալիս ուսումնասիրելու հասարակությունն ու հասարակության անդամների միջև հարաբերությունները, ընկալելու հասարակության հիմնարար խնդիրները և զարգացնելու քաղաքացիական գիտակցություն: Իրավագիտություն սովորելը նշանակում է հասարակության մեջ ակտիվ և կենտրոնական դեր խաղալու ցանկություն ունենալ:

Իրավագիտության բակալավրի աստիճանի կրթական ծրագիրը ընդհանրական է. նպատակը իրավական գիտելիքների ամուր հիմք և իրավական մշակույթ ձեռք բերելն է: Այսպիսով, ՀՀՀՀ-ի իրավագիտության ֆակուլտետում ուսանելու չորս տարիների ընթացքում ուսանողները բացահայտում են և՛ հանրային, և՛ մասնավոր, և՛ ներպետական, և՛ միջազգային իրավունքի ոլորտները: Առանձնահատուկ է նաև այն, որ բացի հայկական իրավունքից՝ ուսումնասիրվում է նաև ֆրանսիական իրավունքը՝ ուսանողներին հնարավորություն

տալով տարբեր կողմերից դիտարկելու մասնագիտության առանձնահատկությունները:

Իրավագիտության ֆակուլտետի կրթական ծրագիրը մշակված է Ֆրանսիայի՝ մեծ հեղինակություն վայելող Ժան Մուլեն Լիոն 3 համալսարանի համապատասխան կրթական ծրագրի ձևաչափով՝ ՀՀ աշխատաշուկայի պահանջներին համապատասխան տարրերի ներառմամբ:

ՀՀՀՀ-ի կրթական ծրագրի կարևոր առանձնահատկություններից է ոլորտի առաջատար մասնագետների՝ հայ և ֆրանսիացի դասախոսների ներգրավվածությունը, որոնք դասավանդման ընթացքում համադրում են տեսությունը և իրավիճակային իրական խնդիրները՝ վերցված իրենց աշխատանքային փորձից:

Սովորելով այս ֆակուլտետում՝ ուսանողները ձեռք կբերեն գիտելիքներ ինչպես Հայաստանի իրավունքի, հայկական դատաիրավական համակարգի, միջազգային և եվրոպական իրավունքի, այնպես էլ Ֆրանսիայի դատաիրավական համակարգի և իրավունքի հիմնական բնագավառների մասին: Ուսանողների մեջ կզարգանան իրավիճակները իրավաբանորեն վերլուծելու, որակավորելու, համապատասխան իրավական կանոններ կիրառելու մասնագիտական, ինչպես նաև

իրավաբանական գրավոր ու բանավոր խոսքի և հետազոտական աշխատանքներ կատարելու հմտություններ:

ՅՖՀՀ-ում առօրյան հագեցած է. նույն օրը ուսանողները կարող են լսել մասնագիտական առարկայի դասախոսություն (օրինակ՝ քաղաքացիական իրավունք), որին կհաջորդեն գործնական պարապմունքները: Դրանք անցկացվում են ավելի փոքր խմբերով՝ հնարավորություն ստեղծելով դասախոսի հետ մտքեր փոխանակելուն և քննարկումներին մասնակցելուն, ինչպես նաև գործնական վարժություններ կատարելուն՝ կիրառելով դասերի ընթացքում ձեռք բերված տեսական գիտելիքները: Նույն օրվա ընթացքում դասացուցակում կարող են ներառված լինել նաև

ֆրանսերենի և անգլերենի դասեր: Բացի այդ՝ համալսարանում տեղի են ունենում զանազան միջոցառումներ (իրավիրված դասախոսներ, կարճ արտածրագրային դասընթացներ և այլն): Հնարավոր է նաև մասնակցել զանազան մրցույթների (դատախառ, բանավեճ և այլն): Սովորելու ծարավ ունեցող ուսանողները գերհագեցած օրակարգ կունենան ՅՖՀՀ-ում:

ՈՒՍՈՒՆԱԿԱՆ ՊԼԱՆՆԵՐ




ԱՃԽԱՏԱՆՔԱՅԻՆ ՀԵՌԱՆԿԱՐՆԵՐ ՊԵՏԱԿԱՆ ԵՎ ՄԱՍՆԱՎՈՐ ՈԼՈՐՏՆԵՐՈՒՄ.

- Իրավաբանական և դատաիրավական մասնագիտություններ՝ փաստաբան, նոտար, դատավոր, դատախազ
- Քննիչ (համապատասխան մրցույթներ անցնելուց հետո)
- Իրավախորհրդատվություն իրավաբանական կազմակերպությունում, ձեռնարկատիրական ընկերություններում, բանկում, ապահովագրական ընկերություններում, հասարակական կազմակերպություններում
- Իրավաբան՝ վարչական կառույցներում, միջազգային կազմակերպություններում, դատարանում, ազգային անվտանգության և պաշտպանության ծառայություններում
- Իրավաբանական հետազոտություններ, դասավանդում
- Դիվանագիտական ծառայություն և այլն

ԿՐԹՈՒԹՅԱՆ ՇԱՐՈՒՆԱԿՈՒԹՅԱՆ ՀՆԱՐԱՎՈՐՈՒԹՅՈՒՆՆԵՐ.

- Փաստաբանական դպրոցում
- Մասնավոր կամ հանրային իրավունքի մագիստրատուրայում
- Քաղաքագիտության, միջազգային հարաբերությունների, կառավարման և հումանիտար գիտությունների այլ ոլորտների մագիստրատուրայում (Չայաստանում, Ֆրանսիայում և այլուր)



« Իրավունքի ուսումնասիրումը նախ նշանակում է ուսումնասիրել հասարակությունը, ուսումնասիրել հասարակական կյանքը կարգավորող կանոնների ամբողջությունը՝ վերլուծելով դրանց մեխանիզմները թե՛ ազգային, թե՛ միջազգային տեսանկյուններից: ՀՀՀ-ում իրավաբանի մասնագիտությունը Ձեզ հղկում է մեթոդապես, զարգացնում վերլուծական մտածողությունը, տալիս հնարավորություն ունենալու համապատասխան պրոֆիլ տարբեր ղեկավար պաշտոնների համար և Ձեր առջև բազմաթիվ հորիզոններ է բացում: »

ԿԱՐԻՆ ՅՈՎԱԷՓԵԱՆ, ԴԵԿԱՆ



« ՀՀՀ-ում իրավագիտության բակալավրում սովորելը հավասարազոր է դեպի ապագա նայելուն: Ինչո՞ւ: Որովհետև դա հավասարազոր է ապագա մասնագիտացման համար անհրաժեշտ հիմնարար հմտություններ ձեռք բերելու հնարավորություն ունենալուն: Այն իրականություն է դառնում որոշակի տեխնիկայի տիրապետմամբ (բառապաշարի տիրապետում, մեթոդի կիրառում, դատողությունների համակարգում) և կայուն իրավական մշակույթի ձեռքբերմամբ, որը ներառում է իրավունքի բոլոր բնագավառները: »

ՔՐԻՍՏԵԼ ԳԱԶՈՒ, ՀԱՄԱԴԵԿԱՆ



« ԶՖՀՀ-ն ինձ համար ավելի լավը դառնալու և ինձ այլ կողմից բացահայտելու մեծ հնարավորություն էր:

Իրավագիտության ֆակուլտետ ընդունվելն իմ լավագույն որոշումն էր. շնորհիվ փորձառու և բարձր որակավորում ունեցող պրոֆեսորադասախոսական կազմի՝ մենք զարգացրել ենք քննադատական մտածողություն, տրամաբանական դատողություն և վերլուծական հմտություններ, որոնք նպաստել են մեր մասնագիտական և անձնական աճին: Բացի այդ՝ ձեռք ենք բերել գիտելիքներ Զայաստանի և Ֆրանսիայի դատաիրավական համակարգի, միջազգային և եվրոպական իրավունքի հիմնական բնագավառների մասին: ԶՖՀՀ-ն հնարավորություն է ընձեռել մասնակցելու տարբեր մրցույթների, դատախազերի և բանավեճերի, որոնց շրջանակում մենք նաև ծանոթացել ենք հայկական և ֆրանսիական տարբեր իրավաբանական կազմակերպությունների ներկայացուցիչների հետ:

ԶՖՀՀ-ում պարբերաբար կազմակերպվում են նաև միջոցառումներ, որոնք համալսարանական կյանքն ավելի ակտիվ և հիշարժան են դարձնում: Ապագա դիմորդներին խորհուրդ եմ տալիս չվախենալ մարտահրավերներից, վայելել ԶՖՀՀ-ում անցկացրած յուրաքանչյուր վայրկյանը, ստեղծել գեղեցիկ հիշողություններ և անպայման օգտագործել համալսարանում առկա բոլոր ռեսուրսները: 55

ԻՐԱՎԱԳԻՏՈՒԹՅԱՆ ՖԱԿՈՒԼՏԵՏԻ ԾՐՋԱՆԱՎԱՐՑ ԱԼԻՆԱ ՍԱՆԱՄՅԱՆ

ԿԱՌԱՎԱՐՈՒՄ



ԱՎԱՐԵՄԻԱԿԱՆ ԳՈՐԾԸՆԿԵՐ՝ **ԺԱՆ ՄՈՒԼԵՆ ԼԻՈՆ 3 ՀԱՄԱԼՍԱՐԱՆ** ՈՒՄՄԱՆ ՏԱՌՂՈՒԹՅՈՒՆԸ՝ **4 ՏԱՐԻ**

Տնտեսության ցանկացած ոլորտ ունի տարբեր կառավարիչների կարիք: Վերջինս կախված չէ տնտեսության կառուցվածքային փոփոխություններից, հետևաբար, կառավարման մասնագետը, աշխատաշուկայում կառուցվածքային փոփոխություններից անկախ, իր ողջ կյանքի ընթացքում ձեռք է բերում ցանկացած ոլորտում (ավանդական և տեխնոլոգիական) մրցունակ լինելու և աշխատանք գտնելու լայն հնարավորություններ:

Կառավարման մասնագիտության կրթական ծրագիրը լայն հնարավորություններ է ընձեռում հետազայում առավել նեղ մասնագիտացում ընտրելու գործում: Սովորելով կառավարման ֆակուլտետում՝ ուսանողը ծանոթանում է տարբեր ոլորտների (գործարարություն, մարքեթինգ, թվայնացում, նախագծերի կառավարում, ֆինանսներ, հաշվապահություն և այլն) առանձնահատկություններին, որի շնորհիվ հետագա կրթական և գործնական ուղիների ընտրությունը (մագիստրոսական կրթություն, աշխատանքային ոլորտ, սեփական բիզնես և այլն) դառնում է առավել տեսանելի և հիմնավորված:

Կառավարման ֆակուլտետի կրթական ծրագիրը մշակված է Ֆրանսիայի՝ մեծ հեղինակություն վայելող Ժան Մուլեն Լիոն 3 համալսարանի համապատասխան կրթական ծրագրի ձևաչափով ՀՀ աշխատաշուկայի պահանջներին համապատասխան տարրերի ներառմամբ: Այն ընդգրկում է մի շարք առարկաներ, որոնց դասավանդումն իրականացվում է միաժամանակ տեսական և գործնական ձևաչափով սաեխադրում է, որ ուսանողները, բացի տարբեր դասախոսությունների և սեմինարների մասնակցելուց, նաև ունենում են գործնական դասեր, ինչպես նաև նախագծահեն ուսումնառություն, ինչը հնարավորություն է տալիս գործնականում կիրառելու և ընդլայնելու համալսարանում ստացած գիտելիքները, զարգացնելու թիմային աշխատանքի, վերջնաժամկետները պահպանելու և ժամանակի կառավարման հմտությունները:

ՈՒՍՈՒՆԱԿԱՆ ՊԼԱՆՆԵՐ



ԱՇԽԱՏԱՆՔԱՅԻՆ ԶԵՌԱՆԿԱՐՆԵՐ


- Կազմակերպության/ընկերության ղեկավար
- Կոմերցիոն տնօրեն
- Վաճառքի տնօրեն
- Ֆինանսական ղեկավար
- Բանկային գործի և ապահովագրության մասնագետ
- Ֆինանսական վերլուծաբան/խորհրդական
- Գովազդային/մարքեթինգային գործակալության տնօրեն
- Միջազգային առևտրի պատասխանատու
- Բիզնես գործընթացների օպտիմալացման և թվայնացման մասնագետ
- Ծրագրերի ղեկավար
- Բիզնես վերլուծաբան
- Վաճառքի մասնագետ
- Գովազդային մասնագետ
- Լոգիստիկայի մասնագետ
- Գնումների մասնագետ

ԿՐԹՈՒԹՅԱՆ ՇԱՐՈՒՆԱԿՈՒԹՅԱՆ ԶՆԱՐԱՎՈՐՈՒԹՅՈՒՆՆԵՐ.

Չեռանկարային են նաև մասնագիտական ուսումը շարունակական դարձնելու հնարավորությունները (միջազգային մագիստրատուրա, ասպիրանտուրա և այլն), քանի որ ստանալով ֆրանսիական բակալավրի աստիճան (դիպլոմ) բացվում են դեպի միջազգային բուհեր և մագիստրոսական ծրագրեր ներկայացնող տարբեր երկրներ տանող դռները:

Կառավարման ֆակուլտետի բակալավրի շրջանավարտները կարող են իրենց ուսումը շարունակել ՀՖՀՀ-ի, Ֆրանսիայի Ժան Մուլեն Լիոն 3 և հայաստանյան ու արտասահմանյան այլ բուհերի մագիստրատուրաներում հետևյալ մասնագիտացումներով.

- Կառավարում
- Բիզնես մոդելավորում
- Առաջնորդություն
- Աուդիտ
- Մարքեթինգ
- Ֆինանսներ
- Միջազգային տնտեսագիտություն




Կառավարման ֆակուլտետը նպատակ ունի պատրաստելու տնտեսության բոլոր ոլորտների համար կառավարման բանկիմաց մասնագետներ: Հատկանշական են ֆինանսական, արդյունաբերական, ծառայությունների և ՏՏ ոլորտները, որտեղ ՀՀ-ի շրջանավարտները արդեն իսկ զբաղեցրել են հաստատուն դիրքեր: Ընդ որում, վերոնշյալը տեղին է ինչպես ՀՀ աշխատաշուկայի, այնպես էլ միջազգային աշխատաշուկաների համար, քանի որ կրթական ծրագիրը համահունչ է ֆրանսիական Լիոն 3 համալսարանի ծրագրին: 55

ՀՐԱՆՏ ՀԱՐՈՒԹՅՈՒՆՅԱՆ, ԴԵԿԱՆ



ՀՀ-ն հայտնի է որպես կառավարման ոլորտում լավագույն կրթություն տրամադրող հաստատություններից մեկը Հայաստանում: ՀՀ-ի կառավարման ֆակուլտետը գիտելիքների և հմտությունների մեծ պաշարի տրամադրման միջոցով պատրաստում է իր ուսանողներին՝ զբաղեցնելու բարձր պաշտոններ տեղական, տարածաշրջանային և միջազգային ասպարեզում՝ ինչպես մասնավոր, այնպես էլ հանրային ոլորտներում: Նրանք կարող են նաև սոցիալապես պատասխանատու ձեռնարկատերեր դառնալ: 55

ԺԱՆ-ԲԱՏԻՍ ԿԱՐՏԻԵ, ՀԱՄԱԴԵԿԱՆ





« ԶՖՀՀ-ն ինձ համար մեծ հնարավորությունների աշխարհ է:

Սովորելով կառավարման ֆակուլտետում՝ ուսանողները ձեռք են բերում մի շարք կարևոր հմտություններ, որոնք անհրաժեշտ են կազմակերպություններն արդյունավետորեն ղեկավարելու համար: Ուսումնառության ընթացքում մենք սովորում ենք ստեղծել արդյունավետ բիզնես պլաններ, կայացնել ողջամիտ որոշումներ, ինչպես նաև ծանոթանում ենք գործնական տիրույթում միջանձնային հարաբերությունների կառուցման նրբություններին, որոնք ևս շատ կարևոր են սեփական բիզնեսում հաջողելու համար:

Կառավարման ֆակուլտետում ուսանելու առավելություններից է նաև այն, որ ուսանողները հնարավորություն ունեն պարբերաբար մասնակցելու տարբեր սեմինարների, քննարկումների և արտահամալսարանական միջոցառումների, որոնք լրացնում են մասնագիտական գիտելիքները:

Ապագա դիմորդներին խորհուրդ եմ տալիս լինել ակտիվ և նախաձեռնող, հաճախ մասնակցել բիզնես սեմինարների, քննարկումների և արտահամալսարանական միջոցառումների. դրանք մասնագիտական հմտությունները զարգացնելու հետ մեկտեղ ավելի հետաքրքիր կդարձնեն համալսարանական առօրյան: »

ԿԱՌԱՎԱՐՄԱՆ ՖԱԿՈՒԼՏԵՏԻ 4-ՐԴ ԿՈՒՐՍԻ ՈՒՍԱՆՈՂՈՒՅԻ ՏԱԹԵՎ ՍԵՂՐԱԿՅԱՆ

ՄԱՐՔԵԹԻՆԳ



ԱԿԱԴԵՄԻԱԿԱՆ ԳՈՐԾՆԱԿԵՐ՝ **ԺԱՆ ՄՈՒԼԵՆ ԼԻՈՆ 3 ՀԱՄԱԼՍԱՐԱՆ** ՈՒՄՄԱՆ ՏՆՈՂՈՒԹՅՈՒՆԸ՝ **4 ՏԱՐԻ**

Մարքեթինգը խիստ արդիական, հեռանկարային և բարձր վարձատրվող մասնագիտություն է. բոլոր ընկերություններն ու կազմակերպությունները՝ պետական թե՛ մասնավոր, միջազգային թե՛ տեղական, առևտրային թե՛ հասարակական, ունեն մարքեթլոգների կարիք: Այս մասնագետները պահանջված են տնտեսության բոլոր բնագավառներում. նրանք մշակում են մարքեթինգային ռազմավարություն և կյանքի կոչում այն, կատարում են մարքեթինգային պլանների մշակում, մարքեթինգային հետազոտությունների պլանավորում և իրականացում, գովազդային և PR արշավների մշակում, կազմակերպում և իրականացում, բրենդի մշակում և կառավարում, վաճառքների պլանավորում, կառավարում և կազմակերպում և այլն: ՀՀՀՀ-ի մարքեթինգի ֆակուլտետն առաջարկում է ուսանողներին ստանալ տեսական և գործնական հիմնարար գիտելիքներ, ձևավորել մարքեթինգի և վաճառքի բնագավառներում գործունեություն ծավալելու, ղեկավարելու, որոշումներ կայացնելու և կառավարելու կարողություններ, որոնք համապատասխանում են միջազգային և հայկական մասնագիտական չափանիշներին: ՀՀՀՀ-ի մարքեթինգի

ֆակուլտետը շուրջ 20 տարի պատրաստել է աշխատաշուկայում պահանջված, մասնագիտական բարձր որակավորում ունեցող մասնագետներ, որոնք աշխատում են ՀՀ-ի և արտերկրի առաջատար ընկերություններում և կազմակերպություններում:

Այս ֆակուլտետի շրջանավարտները զբաղվում են մարքեթինգային ու առևտրային գործունեությամբ հայկական և միջազգային ընկերություններում և մասնագիտական շփման համար տիրապետում են նվազագույնը 4 օտար լեզվի:

Ֆակուլտետի կրթական ծրագիրը մշակված է Ֆրանսիայի՝ մեծ հեղինակություն վայելող Ժան Մուլեն Լիոն 3 համալսարանի համապատասխան կրթական ծրագրի ձևաչափով՝ ՀՀ աշխատաշուկայի պահանջներին համապատասխան տարրերի ներառմամբ:

ՀՀՀՀ-ի մարքեթինգի ֆակուլտետի կարևոր առանձնահատկություններից է նորարար մանկավարժական մոտեցումների՝ խնդիրների վրա հիմնված ուսումնառության (Problem-based learning, PBL) և հետազոտահեն ուսումնառության (Research-based learning, RBL) կիրառումը, որ նպաստում է ուսանողների գործնական կարողությունների, ինչպես նաև մի շարք փափուկ հմտությունների (ինչպես օրինակ՝ թիմային աշխատանք կատարելու,


վերջնաժամկետները պահպանելու և ժամանակի կառավարման հմտությունները և այլն) զարգացմանը՝ նախապատրաստելով նրանց աշխատաշուկային:

Մասնագիտական դասընթացների շրջանակում ուսանողներն աշխատում են ՀՀ-ում գործող առաջատար ընկերությունների կողմից ներկայացված իրական նախագծերի/քեյսերի շուրջ հենց այդ ընկերությունների ներկայացուցիչների հետ, ինչը նրանց հնարավորություն է տալիս պատրաստվելու ոլորտային խնդիրների լուծմանը շուկայի ներկա պահանջներին համապատասխան:

Դասավանդման և ուսումնառության նման նորարար մոտեցումների կիրառությունն ուսանողներին հնարավորություն է տալիս նաև ծանոթանալու ապագա գործատուների հետ՝ հաճախ ստանալով աշխատանքի առաջարկներ:

Գործնական պարապմունքների ընթացքում դասավանդվող մասնագիտական առարկաների (մարքեթինգի հիմունքներ, PR, թվային մարքեթինգ, մարքեթինգ միքս, որակական և քանակական մեթոդներ, մարքեթինգ պլան և այլն) շրջանակում ուսանողները ներկայացնում են խմբային աշխատանքներ և նախագծեր, որոնք ներառում են իրական շուկայական իրավիճակների ուսումնասիրության վերլուծություն, լուծումների և ծրագրերի առաջարկներ:

ՈՒՍՈՒՆԱԿԱՆ ՊԼԱՆՆԵՐ






ՄԱՍՆԱԳԻՏԱԿԱՆ ԱՇԽԱՏԱՆՔԻ ՅԵՌԱՆԿԱՐՆԵՐ.

- Կազմակերպության/ընկերության ղեկավար
- Կոմերցիոն տնօրեն
- Մարքեթինգի/վաճառքի տնօրեն
- Գովազդային գործակալության տնօրեն
- Միջազգային առևտրի պատասխանատու
- Հանրային կապերի (PR) մենեջեր
- Թվային մարքեթինգի մասնագետ
- Բրենդ մենեջեր
- Ծրագրերի ղեկավար
- Մերչենդայզեր
- Բիզնես վերլուծաբան
- Վաճառքի մասնագետ
- Գովազդային մասնագետ
- Մարքեթինգի մասնագետ
- Լոգիստիկայի մասնագետ
- Գնումների մասնագետ

ԿՐԹՈՒԹՅԱՆ ՀԱՐՈՒՆԱԿՈՒԹՅԱՆ ՅՆԱՐԱՎՈՐՈՒԹՅՈՒՆՆԵՐ.

Մարքեթինգի ֆակուլտետի բակուլավրի շրջանավարտները կարող են իրենց ուսումը շարունակել ՀՖՀՀ-ի, Ֆրանսիայի Ժան Մուլեն Լիոն 3 և հայաստանյան ու արտասահմանյան այլ բուհերի մագիստրատուրաներում հետևյալ մասնագիտացումներով.

- Թվային մարքեթինգ
- Նորարարական մարքեթինգ
- Լյուքս դասի ապրանքների մարքեթինգ
- Հոգեբանություն և սպառողի վարքագիծ
- Թվային հաղորդակցություն
- Մեդիաբիզնես
- Գովազդ և հանրային կապեր
- Նոր մեդիաներ և ժամանակակից հաղորդակցությունների կառավարում
- B2B մարքեթինգ
- Միջազգային մարքեթինգ




Այսօր մենք կանգնած ենք որակյալ և մրցունակ մասնագետների պատրաստման հավակնոտ խնդրի առջև, մասնագետներ, որոնք ունակ կլինեն գրագետ որոշումներ կայացնելու ամենադժվար իրավիճակներում, առաջնորդներ, որոնք կկարողանան արձագանքել նաև համաշխարհային թվային տնտեսության մարտահրավերներին: Եթե ցանկանում եք ստանալ բարձրորակ, ժամանակակից կրթություն մարքեթինգի, վաճառքի, թվային մարքեթինգի, գովազդի, հանրային կապերի (PR) բնագավառներում, ընտրե՛ք ՅՖՀՀ -ի մարքեթինգի ֆակուլտետը: 55

ՆԱԻՐԱ ՀԱՅՐԱՊԵՏՅԱՆ, ԴԵԿԱՆ



ՅՖՀՀ-ի մարքեթինգի ֆակուլտետն իր ուսանողներին հիմնարար գիտելիքներ է փոխանցում մարքեթինգի ոլորտում. շուկայի ուսումնասիրություններ, մարքեթինգային ռազմավարություններ, հաղորդակցություն սոցիալական ցանցերում, առևտրային բանակցություններ: Շրջանավարտները ոչ միայն մարքեթոլոգներ, այլև նախաձեռնող, նախագծեր կազմող անձինք են դառնում: Այս ֆակուլտետում սպասում ենք ստեղծարար մարդկանց: 55

ԺԱՆ-ԲԱՏԻՍ ԿԱՐՏԻԵ, ՀԱՄԱԴԵԿԱՆ





« ԶՖՀՀ-ն համալսարան է, որտեղ կարող ես ձեռք բերել հրաշալի ընկերներ, ունենալ հազեցած և հետաքրքիր առօրյա և, որ ամենակարևորն է, սովորել: Վստահ կարող եմ ասել, որ մարքեթինգի ֆակուլտետում սովորելն ունի մի շարք առավելություններ թե՛ մասնագիտական և թե՛ անձնային աճի համար:

Մարքեթինգի ֆակուլտետի դասախոսական կազմը ներառում է փորձառու մարքեթոլոգների (ևսև Ֆրանսիայից ժամանած դասախոսների), ինչը հիանալի հնարավորություն է սովորել ոլորտում արդեն իսկ հաջողություն գրանցած մասնագետներից:

Այստեղ սովորելով՝ մենք զարգացնում ենք ստեղծագործական միտքը, տվյալների վերլուծության, նախագծերի կառավարման և հաղորդակցման հմտությունները, որոնք կարևոր են մարքեթինգի ցանկացած ճյուղում հաջողելու համար և կիրառելի են մի շարք այլ ոլորտներում:

Ապագա դիմորդներին խորհուրդ եմ տալիս սովորելուն զուգահեռ ակտիվորեն մասնակցել համալսարանի կողմից կազմակերպվող գիտաժողովներին, հանդիպումներին և գիտամշակութային միջոցառումներին, որոնք էլ ավելի հետաքրքիր և հազեցած կդարձնեն համալսարանական առօրյան: »

ՄԱՐԶԵԹԻՆԳԻ ՖԱԿՈՒԼՏԵՏԻ 3 -ՐԴ ԿՈՒՐՍԻ ՈՒՍԱՆՈՂՈՒՅԻ ԼՈՒՍԻՆԵ ՄԵՍՐՈՒՅԱՆ

ՖԻՆԱՆՍՆԵՐ



ԱԿԱԴԵՄԻԱԿԱՆ ԳՈՐԾՆՆԿԵՐ՝ **ԺԱՆ ՄՈՒԼԵՆ ԼԻՈՆ 3 ՀԱՄԱԼՍԱՐԱՆ** ՈՒՄՄԱՆ ՏԱՌՈՂՈՒԹՅՈՒՆԸ՝ **4 ՏԱՐԻ**

Հետազոտությունները ցույց են տալիս, որ աշխատաշուկայում պահանջված մասնագետների թվաքանակով ֆինանսաբանկային ոլորտը գիջում է միայն տեղեկատվական տեխնոլոգիաների ոլորտին: Ընդ որում, ֆինանսների շուկայում աշխատավարձի մակարդակը համեմատաբար բարձր է ¹:

Տնտեսության ցանկացած ոլորտ ունի ֆինանսիստի և/կամ հաշվապահի պահանջ: Այդ պահանջն անկախ է տնտեսության կառուցվածքային փոփոխություններից: Ուստի ֆինանսների գծով մասնագետը, անկախ տնտեսության կառուցվածքային փոփոխություններից, իր ողջ կյանքի ընթացքում լայն հնարավորություններ է ձեռք բերում ցանկացած ոլորտում:

Ֆինանսներ մասնագիտացումն օգնում է տիրապետելու թե՛ ֆինանսական, թե՛ հաշվապահական և թե՛ հարկային ոլորտի նրբություններին, որոնք չափազանց անհրաժեշտ են հատկապես նոր բիզնեսի հիմնադրման փուլում:


ՀՖՀՀ ֆինանսների ֆակուլտետի կրթական ծրագիրը մշակված է Ֆրանսիայի՝ մեծ հեղինակություն

վայելող ժան Մուլեն Լիոն 3 համալսարանի համապատասխան կրթական ծրագրի ձևաչափով՝ ՀՀ աշխատաշուկայի պահանջներին համապատասխան տարրերի ներառմամբ:

Դասավանդող կազմի զգալի մասը Ֆրանսիայից ժամանած դասախոսներ են: Դասավանդում են նաև բարձր որակավորում ունեցող և մի շարք հեղինակավոր կազմակերպություններում (ՀՀ ԿԲ, գերատեսչություններ, մասնավոր բանկեր և այլ ընկերություններ) աշխատող հայ մասնագետներ: Առանձնահատուկ շեշտադրում ունի կրթության կիրառական մասը՝ հիմնված շուկայում արդի պահանջների վրա:

Նպատակ ունենալով պատրաստելու տեսական և պրակտիկ ոլորտների մասնագետներ՝ ՀՖՀՀ ֆինանսների ֆակուլտետը ուսանողներին փոխանցում է այնպիսի հիմնարար գիտելիքներ, որոնք մեծապես նպաստում են ոլորտում մասնագիտական առաջխաղացմանը: Ուսանողները սովորում են կատարել ֆինանսական վերլուծություններ և եզրակացություններ ներդրումների և այլ ֆինանսական գործարքների վերաբերյալ: Բացի այդ՝ ծանոթանում են ռիսկերի կառավարման և ռեսուրսների բաշխման նրբություններին,

¹ Աղբյուրը՝ <https://edu2work.am/> և <https://www.armstat.am/am/?nid=12&id=08001>




ուսումնասիրում են միջազգային ֆինանսները, համաշխարհային ֆինանսական սկզբունքները, ներառյալ փոխարժեքները, միջազգային կապիտալի շուկաները և տարբեր երկրներում բիզնես վարելու ռիսկերն ու հնարավորությունները: ՅՖՅՅ ուսանողները ֆինանսների ֆակուլտետում ձեռք բերած մասնագիտական հմտությունները հետագայում կկարողանան կիրառել հայաստանյան և ֆրանսիական բանկերում, ինչպես նաև այլ ֆինանսական կառույցներում աշխատելու ընթացքում:

ՅՖՅՅ ֆինանսների ֆակուլտետն ունի մի յուրահատկություն. այն ոչ թե հենքային կրթության, այլ մասնագիտական պրոֆեսիոնալ ուղղվածություն ունի: Այս մոտեցումը համալսարանում որդեգրված է՝ ըստ ֆրանսիական Licence Pro մոտեցման: Ֆակուլտետում գործում է նաև դուալ կրթության համակարգ, ըստ որի՝

ուսանողներն իրենց ուսումնառության մի մասն անց են կացնում հենց գործատուների հետ աշխատավայրում: Սա հնարավորություն է ընձեռում ստանալու ոչ միայն տեսական գիտելիքներ, այլև հատկապես պրակտիկ աշխատաշուկայի կարիքներից բխող արդի հմտություններ և կարողություններ: Ֆինանսների ֆակուլտետում աշխատանքի վրա հիմնված ուսումնառության գաղափարը ՅՖՅՅ-ն կիրառում էր դեռ շատ վաղուց, այդուհանդերձ, նշյալ մոտեցումը նոր թափ ու կարևորություն ստացավ “Erasmus+ WBL4JOB” նախագծի շրջանակներում, որի համակարգողը ՅՖՅՅ-ն է:

ՈՒՍՈՒՆԱԿԱՆ ՊԼԱՆՆԵՐ



ՄԱՍՆԱԳԻՏԱԿԱՆ ԱՇԽԱՏԱՆՔԻ ՅԵՌԱՆԿԱՐՆԵՐ.


- Ֆինանսական տնօրեն
- Կազմակերպության/ընկերության ղեկավար
- Գործարարություն ցանկացած ոլորտում
- Հաշվապահ/Աուդիտոր
- Վիճակագիր-տնտեսագետ
- Բանկային գործի և ապահովագրության մասնագետ
- Ֆինանսական վերլուծաբան/խորհրդական
- Միջազգային առևտրի պատասխանատու
- Բիզնես գործընթացների օպտիմալացման և թվայնացման մասնագետ
- Ծրագրերի ղեկավար
- Բիզնես վերլուծաբան
- Լոգիստիկայի մասնագետ
- Գնումների մասնագետ

ԿՐԹՈՒԹՅԱՆ ՀԱՐՈՒՆԱԿՈՒԹՅԱՆ ՅՆԱՐԱՎՈՐՈՒԹՅՈՒՆՆԵՐ.

Հեռանկարային են նաև մասնագիտական ուսումը շարունակական դարձնելու հնարավորությունները (միջազգային մագիստրատուրա, ասպիրանտուրա և այլն), քանի որ ստանալով ֆրանսիական բակալավրի աստիճան (դիպլոմ)՝ բացվում են միջազգային բուհեր և մագիստրոսական ծրագրեր ներկայացնող տարբեր երկրներ տանող դռները:

Ֆինանսների ֆակուլտետի բակալավրի շրջանավարտները կարող են իրենց ուսումը շարունակել ցանկացած արտասահմանյան և հայաստանյան այլ բուհերի մագիստրատուրաներում հետևյալ ոլորտներում.

- Կառավարում
- Բիզնես մոդելավորում
- Առաջնորդություն
- Աուդիտ
- Մարքեթինգ
- Ֆինանսներ
- Միջազգային տնտեսագիտություն




«Ֆինանսների ֆակուլտետի նպատակը ֆինանսական բոլոր ոլորտների համար բանիմաց մասնագետներ պատրաստելն է: Ոլորտներից հատկանշական են բանկային ու ապահովագրական, ֆինանսական վերլուծության, հաշվապահության և աուդիտի բնագավառները, որտեղ ՀՀՀՀ-ի շրջանավարտները արդեն իսկ զբաղեցրել են հաստատուն դիրքեր: Ընդ որում, վերոնշյալը տեղին է ինչպես ՀՀ աշխատաշուկայի, այնպես էլ միջազգային աշխատաշուկաների համար, քանի որ կրթական ծրագիրը համահունչ է ֆրանսիական Լիոն 3 համալսարանի ծրագրին: »

ՀՐԱՆՏ ՀԱՐՈՒԹՅՈՒՆՅԱՆ, ԴԵԿԱՆ



«ՀՀՀՀ-ի ֆինանսների ֆակուլտետը հիմնվել է 2014 թվականին. այն ավելի երիտասարդ է, քան այս հաստատության առաջին երեք՝ իրավագիտության, կառավարման և մարքեթինգի ֆակուլտետները: Ուսանել ՀՀՀՀ-ի ֆինանսների ֆակուլտետում նշանակում է ավարտելուց հետո ունենալ այնպիսի գործատուներ, ինչպիսիք են բանկերը, հայկական և միջազգային ֆինանսական կազմակերպությունները, քանզի գինված կլինեք ամուր և հիմնարար գիտելիքներով իրենց ոլորտների արհեստավարժ մասնագետ դասախոսների շնորհիվ: »

ԺԱՆ-ԲԱՏԻՍ ԿԱՐՏԻԵ, ՀԱՄԱԴԵԿԱՆ





« ԶՖՀՀ-ն ինձ մշտապես առաջ մղող և ոգեշնչող ուժն է:

ԶՖՀՀ-ի ֆինանսների ֆակուլտետում ուսանելը մեծ հնարավորություն է բացահայտելու բիզնես աշխարհը:

Ուսումնառության ընթացքում մենք ուսումնասիրում ենք մի շարք թեմաներ, ինչպիսիք են ներդրումները, հաշվապահությունը, ռիսկերի կառավարումը և տնտեսագիտությունը: Ֆինանսների ֆակուլտետում ուսանելու հիմնական առավելություններից մեկը ոլորտի բազմազանությունն է. սա ենթադրում է, որ մեր մասնագիտական ուղին կկարողանանք կերտել բանկային, հաշվապահական, ներդրումների կառավարման, ֆինանսական վերլուծության, ձեռներեցության և այլ ոլորտներում:

Բացի հայ փորձառու դասախոսական կազմից՝ ԶՖՀՀ-ում դասավանդում են նաև ֆրանսիայից ժամանած դասախոսներ, ինչը լայն հնարավորություններ է ընձեռում ծանոթանալու միջազգային շուկայում տեղի ունեցող զարգացումներին:

Ապագա դիմորդներին խորհուրդեմ տալիս արդյունավետորեն կառավարել ժամանակը, զարգացնել մասնագիտական հմտությունները և մշտապես զինվել նոր գաղափարներով: 55

ՖԻՆԱՆՍՆԵՐԻ ՖԱԿՈՒԼՏԵՏԻ 4-ՐԴ ԿՈՒՐՍԻ ՈՒՍԱՆՈՂՈՒՅԻ ԱՆՆԱ ՊԵՏՐՈՍՅԱՆ

ՊԱՏՐԱՍՏՎԵԼ ԸՆԴՈՒՆԵԼՈՒԹՅԱՆԸ

Հայաստանում ֆրանսիական համալսարանը կազմակերպում է նախապատրաստական դասընթացներ դիմորդներին ընդունելության քննություններին պատրաստելու համար: Դասընթացներին մասնակցությունը նաև հնարավորություն է տալիս ծանոթանալու ՀՀՀՀ-ի առանձնահատկություններին և դասավանդման մեթոդներին:

Դասընթացների ընդհանուր տևողությունը 38 շաբաթ է (2024 թ.-ի սեպտեմբերի 09-ից 2025 թ. մայիսի 30-ը), որոնցից 34 շաբաթը դասերի և 4 շաբաթը քննությունների, արձակուրդների և բաց թողնված դասերի լրացման համար է: Դասընթացին կարելի է միանալ ինչպես մեկնարկից՝ գրանցվելով հուլիս-օգոստոս ամիսներին, այնպես էլ 2-րդ կիսամյակից՝ գրանցվելով նախապես սահմանված ժամկետներին:

Գրանցման հայտերի ընդունումը կատարվում է միայն առցանց: Անհրաժեշտ փաստաթղթերի ցանկին և գրանցման մանրամասներին կարող եք ծանոթանալ համալսարանի պաշտոնական կայքում:



ՂԱՍԸՆԹԱՑԻ ՎԱՐՁԱՎՃԱՐՆԵՐ 2024-2025

ՀԱՅՈՑ ԼԵՁՈՒՄ 110 000 ₺

ՕՏԱՐ ԼԵՁՈՒՄ 130 000 ₺

ՀԱՍԱՐԱԿԱԳԻՏՈՒԹՅՈՒՆ՝ 140 000 ₺

ՄԱԹԵՄԱՏԻԿԱ՝ 140 000 ₺

ԽՈՐԱՑՎԱԾ ՄԱԹԵՄԱՏԻԿԱ՝ 170 000 ₺

Տարվա ընթացքում համալսարանը կազմակերպում է **բաց դռների օր** կրթական ծրագրերն ու քննությունները ներկայացնելու և ձեր հարցերին պատասխանելու համար:

ՀՀՀՀ-ն կազմակերպում է նաև փորձական քննություններ ավարտական դասարանում սովորող աշակերտների համար:

ՄԱՍՆԱԿՑԵԼ ԸՆԴՈՒՆԵԼՈՒԹՅԱՆ ՄՐՑՈՒՅԹԻՆ 2024-2025

1. ՆԵՐԿԱՅԱՑՆԵԼ ՀԱՅՏ.

Ընդունելության մրցույթին մասնակցելու համար անհրաժեշտ է գրանցվել առցանց: 2025-2026 ուստարվա ընդունելության մրցույթի գրանցման հղումը հասանելի կլինի 2025 թ. մարտի 3-ից ներառյալ մայիսի 31-ը համալսարանի կայքի ընդունելության էջում:



ԳՐԱՆՑՄԱՆ ՀԱՄԱՐ ԱՆՀՐԱԺԵՏ ՓԱՍՏԱԹՂԹԵՐ.

- Լրիվ միջնակարգ կրթության վկայականի լուսածրված (սկանավորված) տարբերակը կամ տեղեկանք դպրոցից 12-րդ դասարանում սովորելու վերաբերյալ
- Անձնագրի կամ նույնականացման քարտի լուսածրված (սկանավորված) տարբերակը, (ծննդյան վկայականի պատճենը չի ընդունվում)
- 3x4 չափի մեկ պաշտոնական ոճի լուսանկար (միայն JPG ձևաչափով)
- ՀՀ քաղաքացիների համար կցագրման վկայականի կամ գինգրքույկի լուսածրված (սկանավորված) տարբերակը
- Գործերի ընդունման համար կատարված վճարման անդորրագիրը (7500 դրամ). հնարավոր է նաև հայտը լրացնելու ժամանակ վճարումը կատարել առցանց
- Առկայության դեպքում 2025-2026 ուստարվա ՀՀՀՀ-ի Licence/բակալավր ընդունելության կանոնակարգի 2.1.7 և 2.1.10 կետերով սահմանված դիպլոմների/վկայականների լուսածրված (սկանավորված) տարբերակը

2. ՄԱՍՆԱԿՑԵԼ ՔՆՆՈՒԹՅՈՒՆՆԵՐԻՆ.

ՉՖՅՅ-ի քննություններն անկախ են պետական միասնական քննություններից և հիմնվում են հանրակրթական դպրոցի ծրագրերի վրա²:

ԱՅՆ ԴԻՄՈՐԴՆԵՐԸ, ՈՐՈՆՔ ՈՒՆԵՆ.

- ՖՐԱՆՍԵՐԵՆԻ ԻՄԱՏՈՒԹՅԱՆ վկայական՝ **DELFB1 Tout Public** (առնվազն 50 միավոր) կամ **DELFB1 Junior B1** (առնվազն 60 միավոր),
- ԱՆԳԼԵՐԵՆԻ ԻՄԱՏՈՒԹՅԱՆ **IELTS Academic** (առնվազն 6՝ բաղադրիչներից յուրաքանչյուրի նվազագույն միավորը պետք է լինի 6), **TOEFL** (առնվազն 70, չեն ընդունվի այն վկայականները, որտեղ բաղադրիչներից մեկի կամ մի քանիսի միավորը ցածր կլինի 17-ից), **Cambridge Assessment English FCE, BEC Vantage, BEC Higher, CAE, CPE** վկայականներ³: **TOEFL MyBest Scores միավորը չի ընդունվում**,
- ԳԵՐՄԱՆԵՐԵՆԻ ԻՄԱՏՈՒԹՅԱՆ **GOETHE-ZERTIFIKAT B1** (բաղադրիչներից յուրաքանչյուրի նվազագույն միավորը պետք է լինի 60), **TELC Deutsch B1** (առնվազն 180 միավոր), **DSD 1** քննությունը՝ B1 մակարդակ), **DSD I PRO** քննությունը՝ B1 մակարդակ, **Test DaF (TDN 4)**,

հնարավորություն ունեն հեշտացված կարգով, այսինքն՝ առանց օտար լեզվի քննության ընդունվելու ՉՖՅՅ: Վերոնշյալ դիմորդները դիմալուծների/վկայականների լուսաձուլված (սկանավորված) տարբերակը ներկայացնելու դեպքում կստանան առավելագույն միավոր օտար լեզվի ընդունելության քննությունից⁴: Վերոգրյալ փաստաթղթերը պետք է ներկայացվեն/կցվեն գրանցման հայտ ներկայացնելիս:

- «Կառավարում», «Ֆինանսներ» և «Մարքեթինգ» մասնագիտությունների այն դիմորդները, որոնք հանձնել են SAT թեստ (Scholastic Aptitude Test) և հավաքել են ՉՖՅՅ-ի կողմից սահմանված միավորը (տե՛ս ստորև), կարող են ներկայացնել թեստի վկայականը հայտ ներկայացնելիս: ՉՖՅՅ-ի կողմից վկայականի հաստատվելուց հետո նրանք մաթեմատիկայի ընդունելության քննությունից կստանան ստորև նշված միավորը.

- «Կառավարում», «Ֆինանսներ» և «Մարքեթինգ» մասնագիտությունների գծով այն դիմորդները, որոնք SAT թեստի մաթեմատիկայից հավաքել են 650-ից 800 միավոր, մաթեմատիկայի ընդունելության քննությանը կստանան 65-ից մինչև 80 միավոր 100 հնարավորից: Այսինքն՝ SAT թեստի գնահատականը կբաժանվի 10-ի: Թեստի վկայականի վաղեմության ժամկետը չպետք է գերազանցի երկու տարին:


2 2024-2025 ուստարվա թեստերի նմուշները հասանելի են ufar.am կայքում:

3 IELTS, TOEFL վկայականների վաղեմության ժամկետը չպետք է գերազանցի երկու տարին:

4 Վերոնշյալ վկայականների անցողիկ միավորներին անհրաժեշտ է ծանոթանալ ՉՖՅՅ կայքում գետեղված ընդունելության կանոնակարգում:

- «Ինֆորմատիկա (համակարգչային գիտություն)» մասնագիտության գծով դիմորդների համար SAT թեստի գնահատականը չի դիտարկվի:

ՖԱԿՈՒԼՏԵՏ	Քննություններ	Քննության տևողություն	Առավելագույն միավոր	Մրցույթին մասնակցելու համար նվազագույն միավոր
ԻՐԱՎԱԳԻՏՈՒԹՅՈՒՆ	Հասարակագիտություն	2,5 ժամ	100	35
	Հայոց լեզու	2,5 ժամ	80	28
ԿԱՌԱՎԱՐՈՒՄ ՄԱՐԶԵԹՒՆԳ ՖԻՆԱՆՍՆԵՐ	Մաթեմատիկա	3,5 ժամ	100	35
	Օտար լեզու (ֆրանսերեն, անգլերեն կամ գերմաներեն) կամ Հայոց լեզու	2,5 ժամ	80	28
ԻՆՖՈՐՄԱՏԻԿԱ ԵՎ ԿՐԱՌԱՎԱՆ ՄԱԹԵՄԱՏԻԿԱ	Խորացված մաթեմատիկա	4 ժամ	120	48
	Օտար լեզու (ֆրանսերեն, անգլերեն կամ գերմաներեն)	3 ժամ	60	21



ՖԻՆԱՆՍԱՎՈՐԵԼ ԿՐԹՈՒԹՅՈՒՆԸ

ՈՒՍՄԱՆ ՎԱՐՁԱՎՃԱՐՆԵՐ 2025-2026

ԻՐԱՎԱԳԻՏՈՒԹՅԱՆ, ԿԱՌԱՎԱՐՄԱՆ, ՄԱՐՔԵԹԻՆԳԻ ԵՎ ՖԻՆԱՆՍՆԵՐԻ ՖԱԿՈՒԼՏԵՏՆԵՐ

1-ԻՆ ԿՈՒՐՍ 1 000 000 ₺

2-ՐԴ ԿՈՒՐՍ 1 035 000 ₺

3-ՐԴ ԿՈՒՐՍ 1 050 000 ₺

4-ՐԴ ԿՈՒՐՍ 1 100 000 ₺

ԻՆՖՈՐՄԱՏԻԿԱՅԻ ԵՎ ԿԻՐԱՌԱԿԱՆ ՄԱԹԵՄԱՏԻԿԱՅԻ ՖԱԿՈՒԼՏԵՏ

1-ԻՆ ԿՈՒՐՍ 1 120 000 ₺

2-ՐԴ ԿՈՒՐՍ 1 150 000 ₺

3-ՐԴ ԿՈՒՐՍ 1 200 000 ₺

4-ՐԴ ԿՈՒՐՍ 1 250 000 ₺

ԿՐԹԱԹՈՇԱԿՆԵՐ ԵՎ ՍՈՑԻԱԼԱԿԱՆ ՕԳՆՈՒԹՅՈՒՆ

ՉՖՅՅ-ն բարերարների օգնությամբ աջակցություն է ցուցաբերում ուսանողներին և նրանց ընտանիքներին՝ տրամադրելով կրթաթոշակներ և սոցիալական օգնություն:

ՉՖՅՅ-ում գործում է ուսանողական նպաստի տրամադրման 2 տարբերակ.

- Առաջինը **ուսումնառության կրթաթոշակն է**, որը լավագույն ուսանողներին թույլ է տալիս յուրաքանչյուր տարի օգտվելու 25, 50 կամ 100% զեղչային համակարգից:
- Երկրորդը **սոցիալական օգնության նպաստն է**: Հանձնաժողովն ուսումնասիրում է հայտ ներկայացրած յուրաքանչյուր ուսանողի փաստաթղթերը, առանձնացնում է տարբեր չափանիշներ՝ ընտանիքի սոցիալական կարգավիճակ, միակողմանի ծնողազրկություն, հաշմանդամություն կամ պատերազմի հետ կապված իրավիճակներ, բնակավայրի աշխարհագրական դիրք, ընտանիքի անդամների թիվ, նույն համալսարանում սովորող ուսանողների թիվ, և ըստ այդմ կայացնում որոշում նպաստի տրամադրման և չափի վերաբերյալ:

ԼԻՆԵԼ ԱԿՏԻՎ ՈՒՍԱՆՈՂ

Ուսումնառության առաջին տարվանից ուսանողները կարող են դառնալ ՀՀՀՀ-ի ուսանողական խորհրդի անդամ և իրենց ազդեցությունն ունենալ համալսարանական կյանքի վրա: ՈՒՄ-ն նպաստում է ուսանողական կյանքի ակտիվությանը, մասնակցում է ուսանողների ֆիզիկական և բարոյական զարգացմանը՝ համագործակցելով ՀՀ և արտերկրի այլ բուհերի և կազմակերպությունների հետ: Այս կառույցը համալսարանի գործունեության բարելավմանն ուղղված հարցերում կարևոր գործընկեր է, նորարարության և ստեղծարարության աղբյուր:

ՀՀՀՀ ՈՒՄ-ում գործում են մի շարք հանձնաժողովներ՝ իրավաբանական, արտաքին կապերի և հաղորդակցության, ուսումնագիտական, մարքեթինգի և կազմակերպչական, որոնք կարգավորում են կառույցի գործունեության տարբեր ոլորտները:

ՈՒՄ-ին կից գործում են նաև մի շարք ակումբներ՝ կամավորների, երաժշտական, լրագրության, բանավեճի, ընթերցանության, որոնց շնորհիվ համալսարանական կյանքն ավելի աշխույժ է դառնում, և բավարարվում են ուսանողների հետաքրքրությունները:

Էլ. հասցե՝
conseil_etudiants@ufar.am



@CEUFAR





Liberté • Égalité • Fraternité
RÉPUBLIQUE FRANÇAISE

MINISTÈRE
DE L'EUROPE ET DES
AFFAIRES ÉTRANGÈRES

UFAR ՀԱՅԱՍՏԱՆԻ
ՖԻՆԱՆՍԻԿԱՆ
ՀԱՄԱԼՍՄԱՐՆ



WWW.UFAR.AM

